

Ngā Kairuruku Tautoko Akoranga i rō Kura

He mōhiohio mā ngā Mātua,
ngā Kaitiaki me ngā Whānau

Ka tautoko ngā Kairuruku Tautoko Akoranga (LSC) i ngā ākonga kia whiwhi i te tautoko tika, wawe hoki, kia mārama ake ai ngā whānau, kia māmā ake hoki te whakauru ki ngā tautoko akoranga i te kura.

Hei te 2028, ka āhei ngā kura kāwanatanga, me ngā kura tāuke me ngā ākonga i te Tau 1 ki te Tau 8, ki tētahi LSC. Mā te noho o tētahi LSC ki ngā kura katoa me ngā Ākonga Tau 1 ki te 8, ka tata ake te tautoko akoranga ki ngā ākonga matea nui.



Ka mahi tahi ngā LSC ki ngā tamariki me ō rātou whānau

He kaimahi motuhake te LSC i roto i te kura o tō tamaiti ka āwhina ki te tautohu wawe i ngā matea ako, ka ruruku, ka tautoko, ka tūhono hoki i ngā mātua me ngā kaitiaki ki ngā mātanga.

Ka mahi tahi me ngā kaiako, ngā whānau, me ngā ratonga, tae atu ki ngā kāhui tautoko akoranga a Te Tāhuhu, hei whakarite kia whiwhi ngā tamariki i te āwhinatanga e tika ana kia puāwai.

Ka āwhina ngā tūranga LSC i rō kura hou i ngā ākonga kia whai wāhi nui ake ki te tautoko akoranga kounga, reretahi ā-motu hoki.

Me pēhea te rapu tautoko

He rerekē te wā whanake o ngā ākonga katoa, engari he āwangawanga pea ō ngā mātua me ngā kaitiaki mō ngā mahi ako a ā rātou tamariki. Mēnā kei te āwangawanga koe, he pai te kōrero ki te kaiako a tō tamaiti, ki te tumuaki rānei hei wāhi tīmata.

Ka taea e ia te kōrero ki a koe mō ngā āwangawanga o te tautoko e hiahia ana tō tamaiti, tae atu ki te tūhono i a koe ki te LSC o te kura.

Ētahi mōhiohio anō

- › Ngā Kairuruku Tautoko Akoranga i rō kura, [education.govt.nz/lsc](https://www.education.govt.nz/lsc)
- › Te tautoko akoranga ina kuhu tō tamaiti ki te kura, [education.govt.nz/parents-and-caregivers/early-learning/learning-support/continuing-learning-support-when-your-child-moves-school](https://www.education.govt.nz/parents-and-caregivers/early-learning/learning-support/continuing-learning-support-when-your-child-moves-school).
- › Ki te āwangawanga koe ki ngā mahi ako a tō tamaiti, [education.govt.nz/parents-and-caregivers/early-learning/learning-support/if-you-are-worried-about-your-childs-learning](https://www.education.govt.nz/parents-and-caregivers/early-learning/learning-support/if-you-are-worried-about-your-childs-learning).
- › Ngā Haumitanga o te Pūtea 2025 mō te Tautoko Akoranga, [education.govt.nz/our-work/publications/corporate-documents/budget-2025/learning-support](https://www.education.govt.nz/our-work/publications/corporate-documents/budget-2025/learning-support).



Ngā Pātai me ngā Whakautu

He aha te āwhina a te Kairuruku Tautoko Akoranga (LSC) mā taku tamaiti?

Mā te LSC e māmā ake ai mā ngā kura ki te urupare wawe ki ngā matea akoranga. Ka āwhina i ngā kaiako ki te whakarite i ngā tautoko, te mahi tahi me ngā mātanga pēnei i ngā kaihaumanu reo-kōrero, ngā kaimātai hinengaro rānei, me te whakarite kia mārama, ā, kia whakatauhia hoki ngā matea a tō tamaiti.

Ka mahi hāngai te LSC ki taku tamaiti i roto i te akomanga?

Ka mahi pea te LSC ki rō akomanga i te taha o tō tamaiti me tana kaiako, ā, ka mahi hāngai ki ngā ākonga ki te tiro tiro, kia mārama, ā, kia pai ai te tautohu i ngā matea tautoko.

Ka taea e te LSC te tautohu i ngā matea akoranga a taku tamaiti?

Ka āwhina ngā LSC ki te tautohu i ngā āwangawanga me te mahi tahi ki a koe, te kaiako a tō tamaiti me ētahi atu mātanga ki te whakarite i te āheinga a tō tamaiti ki ngā tautoko tika i te wā tika. Kāore rātou e tautohu i ngā tūmomo mate akoranga, mate whanaketanga rānei. I ētahi wā ka tonoa pea tō tamaiti e te LSC ki tētahi mātanga rerekē, pēnei i te kaimātai hinengaro mātauranga, kaihaumanu reo-kōrero rānei engari me whakaae rawa koe i te tuatahi.

Ka taea e au te tuku tono tautoko akoranga mā taku tamaiti?

Āe, ka taea e ngā mātua me ngā kaitiaki te tono āwhina, te whakaara take rānei ki tana kaiako, te tumuaki, te LSC rānei o te kura. Kāore i hiahiatia tētahi tautohu ōkawa.

Ki te hiahia koe i ētahi atu tohutohu mō ngā tautoko e wātea ana ki tō tamaiti, ka taea e koe te whakapā atu ki tō kāhui tūtata o Te Tāhuhu o te Mātauranga. Ka kitea ngā taipitopito whakapā o ngā tari Tāhuhu ā-rohe ki [education.govt.nz/our-work/about-us/contact-us/regional-offices](https://www.education.govt.nz/our-work/about-us/contact-us/regional-offices).

He aha te hua o te LSC ki te kura o taku tamaiti?

Mā te whakatau wawe i ngā matea ako e piki ai te taetae o ngā ākonga ki te kura me te whakatutukitanga mahi, ka whakaiti i ngā tōritenga i te mātauranga, te mahi me ngā putanga wā toiora.

E aro ana ngā pūtea LSC i rō kura ki te whakamana i ngā kaiako me ngā mātanga ki te tautohu wawe i ngā matea tautoko akoranga i te ao o te tamaiti.